

SCRIPT OF EVENING GOJRI NEWS BULLETIN 30JULY 1700 HRS

ایویننگ گو جری نیوز بلیٹن مو رخہ 30 جولائی 2025

یوہ آکا شوانی جموں ہے ظفرکوہلی تے نصرت چوہدری تیں خبر سُنو۔

HEADLINES

- ۱۔ حفاظتی دستاں نے ضلع پونچھ مانہہ ایک سانجی کاروائی غیدوران دراندازی غی ایک کوشش ناہہ ناکام بناتا واں ۲ دہشت گرداں ناہہ مارکا غے اُن کولوں اسلو برآمد کیوہے۔
- ۲۔ جموں پولیس نے نگروٹا غا مقام ور دہشت گرداں گا ایک ساتھی ناہہ گرفتار کر غے ان کولوں 3 پستول تے گولہ بارود برآمد کی وے تے دہشت گردی سنگ منسلک ہون بارے پوچھ تاچھ کی جارہی ہے۔
- ۳۔ پلکیں بھگوتی نگر بنیادی کیمپ جموں تیں امرناتھ یاترا غو کوئے قافلو نی جاسیں اج شدید بارش غی وجہ تیں پہلگام تے بالتال بنیادی کیمپاں توں یاترا معطل رہی ہُن توڑی 3 لکھ 93 ہزار تیں متا یاتریاں نے پوتر گپھا غا درشن کیا ہیں۔
- ۴۔ جموں کشمیر حکومت نے جموں کشمیر گا تمام سرکاری ملازماں ناہہ یوم آزادی غی تقریب مانہہ شرکت کی ہدایت کی۔
- ۵۔ جموں صوبہ مانہہ شدید بارش غی وجہ تیں رام بن مانہہ 2 اساترہ اچانک سیلاب مانہہ بہ گیا تے محکمہ موسمیات نے موسم بارے ہدایات جاری کی ہیں۔

POONCH ENCOUNTER

پونچھ سیکٹر مانہہ دہشت گرداں تے سلامتی دستاں گے بشکار اُس ویلے جھڑپ چھڑ گئی جد چوکس فوجیاں نے سرحد گے نیڑے دو شخص غی مشکوک حرکت ناہہ محسوس کیو سلامتی دستاں تے دہشت گرداں گے بشکار گولہ باری گو تبادلہ ہو جس مانہہ دو دہشت گرد ناہہ مارمکایو گیوہے ایک سماجی میڈیا پوسٹ مانہہ وائیٹ نائیٹ کور نے تیز کاروائی تے درست فائر کرن بارے آگاہ کیو جس دوران اُن غا بُرا عزائم کرن ناہہ ناکام بنا دتو اس تیں علاوہ اُن کولوں 3 ہتھیار وی برآمد کیا ہیں۔ حفاظتی دستہ تے جموں کشمیر پولیس توں مربوط تے اہم اہنگ تحقیقاتی کی پکی سو ملن غی وجہ نال یوہ آپریشن کامیابی سنگ چلیو ہے۔

NAGROTA TERROR ASSOCIATES

دہشت گردی مخالف کاروائیاں مانہہ ایک اہم پیش رفت مانہہ جموں پولیس نے دہشت گرداں گا ایک ساتھی ناہہ نگروٹہ ٹی سی پی ناکہ ور اس ویلے گرفتار کیو جد وہ وادی کشمیر غی طرف سفر کر رہیو تھو ایک سماجی میڈیا پوسٹ مانہہ ضلع پولیس جموں نے دسیو جے ملزم غی شناخت آزان حمید غازی اک ناہہ سنگ ہوئی ہے جس غا قبضہ توں 3 پستول میگزین تے کُج کارتوس برآمد کیا گیا ہیں۔ قابل ذکر ہے جے پولیس نے اُس گڈی ناہہ وی ضبط کرلیو ہے جس مانہہ وی سفر کر رہیو تھو اس سلسلہ مانہہ پولیس سٹیشن نگروٹہ مانہہ ایک ایف آئی آر درج کرلی گئیہیں تے دہشت گردی غا تعلق سنگ مزید پوچھ تاچھ جاری ہے پولیس غی تیز رفتار کاروائیاں مانہہ علاقہ مانہہ سلامتی ناہہ برقرار رکھن مانہہ ایک اہم قدم قرار دتو گیو ہے۔

DRONE KATHUA

جموں کشمیر پولیس نے کٹھوعہ ضلع غا ہیرا نگر علقہ مانہ ڈرون غے زریعے گرایو گیو ایک پیکٹ نانہ برآمد کیو جس مانہ 400گرام منشیات موجود تھیں مقامی لوکاں تیں مشتبہ پیکٹ غی اطلاع ملنم ور پولیس تے بی ایس ایف نے مشترکہ تلاشی مہم شروع کی تے سامان انہ برآمد کی علاقہ غی مکمل تلاشی لی گئی تانجے ڈرون غے زریعے گرایا گیا م، زید سامان غو پتو لایو جاسکے اس واقع ور ایف آئی آر درج کر لی گئی ہے تے تحقیقات جاری ہے ایس ایس پی کٹھوعہ شوبت سکسینا غے مطابق علاقہ مانہ سخت نگرانی تے تلاشی گو عمل جاری ہے۔

AMARNATH YATRA SUSPENDED

خراب موسم غی وجہ توں کل یعنی 31 جولائی نانہ جموں غا بھگوتی نگر بنیادی کیمپ توں یاترا غ و کوئی قافلو کشمیر در نی جاسکے غو صوبائی کمشنر جموں رامیش کمار نے اس بارے جانکاری دیتا واں دسیو جے یوہ فیصلو یاتریاں غی حفاظت نانہ یقینی بنان واسطے احتیاطی اقدام غا طور ور لایو گیو ہے۔ شری امرناتھ جی یاترا پہلگا تے بالتال دواں بیش کیمپاں توں آج وی معطل رہی سویرے توں مسلسل موسلا دھار بارش غی وجہ توں صوبائی کمشنر کشمیر وجے کمار بدوری نے دسیو ہے جے خراب موسم غے پیش نظر یاتریاں نانہ کسے وی بنیادی کیمپ توں راستہ در چلن غی اجازت نی دتی ہے قابل ذکر ہے جے شری امرناتھ جی یاترا 2025 غے دوران ہن توڑی 3 لکھ 93 ہزار توں متہ یاتریاں نے پوتر گؤفا غا درشن کیا ہیں۔

DODA MISSION YUVA

نوجواناں غا خود مختار روزگار نانہ فروغ دین واسطے ایک بڑی پیش رفت مانہ ڈوڈہ ضلع مشن یووا غے تحت بہترین کارکردگی دکھنا آلا ضلع مانہ شامل ہو گیو ہے ہن توڑی 1440 درخواست موصول ہوئی ہیں جن وچوں 455 نانہ ضلع سطح غی کمیٹی نے منظور کیو ہے تے 315 نانہ جموں کشمیر بینک نے منظوری دتی ہے ہن توڑی 40 افراد نانہ قرض جاری کیو گیو ہے تانجے وہ زراعت تھوک تے پرچون تے دستکاری جیسا شعوباں مانہ اپنا کاروبار نانہ شروع کرسکیں ڈپٹی کمشنر ڈوڈہ ہرویندر سنگھ نے کہیو کہ مشن یووا نوجواناں نانہ خود مختار روزگار فراہم کرن واسطے مدد دے رہی ہے آگاہی تے رسائی غی کوششاں نانہ آئندہ مراحل مانہ مزید تیز کیو جے غو۔

LDAY ATTENDANCE

جموں کشمیر حکومت نے ہدایت دتی ہے کہ جموں تے سرینگر مانہ تعینات تمام افسراں تے ملازمین 15 اگست نانہ یوم آزادی غی مرکزی تقاریب مانہ بطور سرکاری ڈیوٹی شرکت کریں عام انتظامی محکمہ غی طرفوں جاری سرکلر غے مطابق جموں مانہ مولا نا آزاد سٹیڈیم تے سرینگر مانہ بکشی سٹیڈیم مانہ مرکزی تقاریب منعقد ویں گی سرکاری ہدایت نامہ مانہ کہیو گیو ہے کہ پیشگی اجازت غے بغیر غیر حاضری غی اجازت نی دتی جے غی تمام انتظامی افسراں تے محکمہ جات غا سربراہاں نانہ ہدایت دتی گئی ہے کہ اپنا ماتحت عملہ غی مکمل شرکت نانہ یقینی بناویں۔

CS SPREAD INT

چیف سیکرٹری اٹل ڈلو نے سپریڈ اقدام غ و جائزہ ليو جس غو مقصد جموں کشمیر مانہ
نوا اُبھرتا وا سیاحتی مقامات ور پائیدار سیاحت مانہ فروغ دینو ہے اس قدم غ و مقصد
زیادہ بھیڑ آلا سیاحتی مقامات ور دباؤ مانہ کم کرنو ہے تے سال بھر ماحول دوست تے
متوازن سیاحتی مقامات مانہ فروغ دینو ہے منصوبہ مانہ بنیادی ڈھانچہ کچرا غا انتظام
ماحولیاتی تحفظ تے روزگار غا مواقع و توجہ دتی جے گی اس مانہ مقامی لوکاں غی
شمولیت تے نجی شعباں غی شراکت مانہ فروغ دتو جے غو۔ تانجے جموں کشمیر غا
دوان علاقہ مانہ ترقی مانہ عالمی معیارات غے مطابق اگے بدھایو جاسکے۔

JMU UNIVERSITY YUVA SANKALP

جموں یونیورسٹی جاری روزہ وکست بھارت یوا سنکپ پروگرام غی میزبانی 31 جولائی
توں 3 اگست توڑی کرن آلی ہے اج ایک پریس کانفرنس سنگ خطاب کرتا واں جموں
یونیورسٹی غا وائس چانسلر پروفیسر اومیش رائے نے کہیو جے اس تقریب مانہ ثقافتی
پروگرام کھیڈاں گی سرگرمیاں نشہ چھڑان گی مہم ورثا ریلی تے نوجواناں غی بیداری
بارے مہم ویں گی جناب اومیش نے وکست بھارت 2047 غا نظریات ور وی لو کہلی تے
ترقی یافتہ بھارت غی تعمیر مانہ نوجواناں گا اہم کردار ور زور دتو اس موقع ور بولتا
واں اُنہاں نے اس طرح کہیو۔

WEATHER ADVISORY

جموں صوبہ غا مختلف علاقہ مانہ شدید بارش غے باعث اچانک سیلاب ندی نالاں
مانہ پانی غی سطح مانہ اضافو تے نشستے علاقہ مانہ پانی بھر جان غی صورتحال
پیدا ہو گئی ہے ایک افسوس ناک واقع مانہ ادھمپور غا دو سرکاری اُستازہ نتھا ٹاپ
سناسر سڑک ور موٹر سائیکل ور جاتا واں اچانک سیلاب مانہ بہ گیا ان غی لاش مانہ
جلیبی موڑ غے قریب پولیس تے ایس ڈی آر ایف کیو گیو اس بارے پیش ہے مارا نامہ
نگار غی یاہ رپوٹ محکمہ موسمیات نے جموں صوبہ واسطے موسم غی ایڈوائزری
جاری کیں ہے جس مانہ پلکیں توڑی کئی مقامات ور شدید بارش تے طوفانی بارش غی
پیش گوئی کی گئی ہے اچانک سیلاب مٹی کھسکن ت کمزور علاقہ مانہ پانی بھرن غو
خطرو ہے عوام مانہ احتیاطی تدابیر برتن غو مشورو دتو گیو ہے۔
